


**LUNDA-NDEMBU - “Who will deliver me?”**

## **WUKUጆAMWINA HINYI?**

Ifuku dimu damulungu nadiጆi nakushimuna nsaጆu yayiwahi mumukala wamwanta wumu mwiጆuጆa daLesotho. Antu amavulu hamu namwanta niጆጆodindi anapompi nakutiya mazu aNzambi. Mazu amomi, akweti ጆovu, atwa chakubadika mpoku yakabali yikweti wumwenu kuyedi, atapili nyichima yawantu.

Henohu nichidi nakutaጆisha, isanu danona mwanta muneni watachikili kudila nakushikoka, nimadilu hiyakuwulumuka hambaጆa jindi. Wemeni nakuhosha nindi, “Wukuጆamwina hinyi? Nkwashenu mwani, kumuchima wami kudi chilonda. Ami nshona, namoni kukala kwakweni. Hinyi wukuጆwesa kunkwasha? Hinyi wukuጆamwina muwuduጆu iwu watama wanshidi? Chiጆa niila ጆahi? Wejima wenu mwanጆiluka. Ami yami isanu damwanta, niwumu wahadi ambanda ataጆishaጆa akwawu.

### **WUKUጆAMWINA HINYI?**



*Muntu wavulumunaya wadiyabolu kwindi. 1 Yowanu 3:8*

“Munahiti nyaka, kwiji makumi ayedi yinakehi, ami napompelaja nawakwakwitiya, ilaja yuma yina yejima hiyinankwashuku, hiyinatweshi kunsukulaku, nshidi yankasa dehi. Nekala mukwakushetana, nimbaji nawa. Makasami adi namajilu atama muloja nemaña walwa – yakunwa yashijewa! Nshidi yakasa makasami ninyendu yami. Nidi munyonji yakalaja!”

Ona mumbanda hakudila madilu nankashi. Washakamini nakubilela nindi, “Nkwashenu! Nkwashenu! Hinyi wukuñamwina? Hinyi wukuñamwinami nakukasununa maleñi awa anshidi? Namukeña Nzambi ilaja nshidi diyi yanyulaja, nshidi diyi yidi nakunkokela kukalaja. Najahili mwanami wawedi. Nadiñi washeta chinamwelekele mwanami munyima, mukusheta kwami nadiñi nakwalomoka hamaseki, mutu wamwanami nakejeli wachikikili, afwa nikufwa. Nkwashenuku, enu akwetu, nfumishenu mudi ichi kufwa! Nshimbi jachisemwa hijinankwashuku. Yijila hijinankwashuku. Indi dinu hinyi wukutweshakunkwashaku? Hinyi wukuñamwina?”

Namwakwili nami, “Bayi wutiya womaku hela kutiya kukala. Kukaba hikweyeyi inka weyuku, kwawantu ejima. Mumukanda waNzambi mudi mazu akutweshakumwenesha kudila kudi mumuchima weyi. Mukanda watulejañanawu nshidi yayulaja munyichima yetu, ilaja kudi wumu watela kutwamwinetu.”

“Muloja neluki nami mudami, nateni chisemwa chami chaheseki, nami himwekala chuma chachiwahi hela chimuku. Muloja muchima wakukeña kwila chachiwahi nidi nawu, ilaja kwilamu kutweshanehi. Kuwaha kunakeña kwila hinelajaku, ilaja kutama kunabula kukeña kwila, diku nelaja. . . . Namoni komana kudi lushimbi lwakwila neyi nakeñi kwila chachiwahi, komana kutama kudi kwoku. Muloja muntu wami wamukachi watiyaña kuwaha nanshimbi jaNzambi; ilaja namoni lushimbi lwacheñi muyidi yami lwalwishaja nalushimbi lwayitogojoka yami, lunakeñi kujinjija muwuduñu walushimbi lwanshidi lwekala muyidi yami.” ARoma 7:18-23. Katatakaha, hela mpinji yikwawu, kudila iku keña kwinski munyichima yawantu ejima – “Ami nshona! Wukuñamwina hinyi?”

## KULUMBULULA

*“Neyi Mwana wukuyifumisha muwuduñu mukufumamu chalala.”*


Yowanu 8:36

Mwanta Yesu diyi natweshi kulumbulula malwihu itwehulaja ejima, nilwihu lweyi. “Hikwekala kuhanda mudi wacheñuku, muloja munu

mwishina mukachi kawantu hiyanenkumu ijina dacheji dakuhanda nachuku.” Yililu 4:12. Mwanta Yesu hohu diyi natweshi kutwamwina kunyiloŋa yetu. Chiŋa mashi aYesu apwekeli haKavari diwu anatweshi kututookesha nshidi yejima. Hela chimbuki, hela yihemba, hela katempa, hela muntu, hela mukwakutaŋisha, hela kapristu, hela chipompelu, kwosi chinatweshi kukwamwina kunshidi. Chiŋa Yesu Kristu hohu, Mwana kamukoku waNzambi, mukwakufumisha nshidi yawantu ampata yamunu mwishina, natweshi kukwamwina namashi indi naŋovu yaSpiritu yindi.

Yesu Mwana kaNzambi wenjili munu mwishina “kulonda kutonesha mesu aputa, kulonda kufumisha atuyili mukaleya, nikufumisha mwitala dakaleya antu ashakama mumwidima.” Isaya 42:7. Mwanta Yesu nindi, “Antu ejima avulumunaŋa, diwu anduŋu janshidi. . . . Neyi Mwana wukuyifumisha muwuduŋu mukufumamu chalala.” Mwanta Yesu diyi walala, diyi wukuyifumisha.

Yesu Mwana kaNzambi wasendeli nyiloŋa yetu mumujimba windi hamutonde. Nyiloŋa yeyi yejima ayipopeleli dehi kukulusu. “Chalala naditwiki yuma yetu yakala, nasendi yihuŋu yetu. . . . Amukatishilili nyiloŋa yetwetu, amuchikilili kuluwa kwetwetu; amweteli yena kulonda etu tumwenumu kuwunda; nanyinkakambu yindi yena anatukuswishi.” Isaya 53:4-5.



*Neyi Mwana (Yesu) wukuyifumisha muwuduŋu mukufumamu chalala.*  
Yowanu 8:36

Baraba wadiŋi mukwanshidi, mukwakujahana, amutoŋweleli kufwa. Nawu amupopeleli kukulusu, ilaŋa Mwanta Yesu wahijili mwindi, wasendeli

kulusu hateleleluwu kupopela Baraba. Yesu Mwana kaNzambi amupopeleli mwiluja daBaraba, nimwiluja deyi nidamami, mukwakujahana amuumbiluku muloja wachenji wamufwilili. Ninami nineyi yetu aBaraba.

Wufwetu wanshidi hikufwa, ilaja chamukunkulu chaNzambi hiwumi wahaya nyaka, mudi Kristu Yesu, Mwanta wetu. Neyi wukutala nachikuhwelela kukulusu yaMwanta Yesu wukudimona eyi aweni nanyiloja yeyi anayipopeli dehi kukulusu yindi. Mwanta Yesu nahinji dehi mwiluja deyi hakulusu kulonda eyi wakahandi haya nyaka. Wapwekesheli mashi indi kulonda kukwanakeneyi nyiloja yeyi. Chaswejeliyi Nzambi kukukejeyi, waheni Mwanindi wumu hohu kulonda wuheti wumi wahaya nyaka, wubuli kunoja.

Chanatiyiyi mazu awa ijodamwanta hakukuhwelela Mwanta Yesu nakuhana muchima windi kudi yena. Waheni muchima windi wanshidi kudi Nzambi, yena wamwinkeli muchima wawiha nakumwinzeshu Spiritu yindi Wajila. Hichidi neyi wamwanakeneni nyiloja yindi hohuku, ilaja wamwamwinini kujovu yanshidi. Kufuma henaha munahiti nyaka yayivulu, nihanu owu mumbanda washakamaña chachiwahi nakwimika mushindu. Hanwaña walwaku, hela kunwa makanya akasaña, hela ankoma. Washakamaña chachiwahi ho-o nakwila wunsahu walala. Chalala, “muntu wudi mudi Kristu, anamuleji dehi chachiha; yuma yayikulu yinahiti dehi, komana yuma yejima yinabalumuki dehi yayiha.” 2 AKorinda 5:17.

Eyi nawa, eyi mukwetu wudi nakutaja mukandiwu, anatweshi kukusubula neyi wukukuhwelela Yesu Kristu. Mwanta Yesu nindi, “Inzenu kudami enu ejima mudi nakukabakana, mwasenda yalema, ami nukuyi-nookesha.” Twaya kudi Yesu neyi chiwudi hela kuwudi. Muleji nyiloja yeyi yejima nimakabi eyi. Neyi wukwinza nakudizozo namuchima wakukuhwelela, yena hakakuhanaku. Hadaha wapompaña nawakwaKristu, hela chochu akukasa kunshidi. Twaya kudi Yesu. Yena wukukusubula hohanu, neyi chokiliyi akwambumba niamputamesu. Yesu yowumu nihanu, natweshi kuuka akweti nyichima yachikeka nakuumba adi mukaleya. Watwanakenaña mwejima mutwaluwilaja; watuukaña nyisoju yetu yejima. Masamu 103:3.

Neyi wunahani dehi muchima weyi kudi Mwanta Yesu, lejaku akwenu achenji nsaju yanowu wakukuula. Etu nawa tukutiya kuwaha kutambula mukanda wakufuma kudeyi.

---

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)